

潮州府志

卷十八

乾隆辛巳重修

潮州府知府周碩勳輯

水利

川澤之利所以仰灌溉也潮統九邑曰濠曰陂
曰渠曰涵曰塘其名不一大抵皆引泉瀦水時
其儲洩爲農田利淮南子曰同陂溉田其愛水
則均非力奪豪右富橫之侵占芸芸千畝安得
承下流而受蔭潤哉昔召信臣守南陽履阡陌
開通溝洫起水門隄閼數十處廣溉三萬餘頃
作均水約束勒石以防分爭其利滋溥將俾潮

民利其利尙志信臣之志也夫志水利

海陽縣

北濠

在郡城西北二里卽宋時西湖灌西關外北廂陳橋入家尾仙子圍七聖廟新浦鄉南廂馬圍

等七鄉田一千九百五十餘畝乾隆二十五年紳耆公建碑記環城西北有濠約長一千七百三十步均寬一百六十步源泉不竭所以捍衛郡城灌溉田疇利至普也戊寅夏秋之交旱魃爲虐農民憂旱甚劇乃豪佃養魚獲利不容沾潤太守躬履其地謂衆曰秋禾立槁危在旦夕無論官濠卽余所私亦當竭澤以救蒼生敢有撓者置之法迺揮汗赤日中令農民決水以蘇旣槁之禾且諭以次車戽毋許爭競由是五晝夜計綿亘十數里苗槁者勃興著爲令七鄉人咸德之太守姓周氏諱碩勳字元復號容齋湖南寧鄉人丙子冬由廉州調繁潮州庚辰春以計典膺卓薦入

觀

潮人思之爲勒石以記蓋惠澤之長殆與北濠之水相深無已也

南濠

在郡城南關外週圍一千八百餘步因壕塋與三利溪灰岸唇連乾隆二十六年濠佃林子德

於壕塋釘排椿填築塋

面濶三丈以資保障

東濠

在郡城東三里許又曰東湖在韓山之陰約長一千四百餘步

三利溪

在城西引韓江水通北濠過雲梯岡歷潮陽揭陽三縣利之故名濬自宋知州事王滌至

明成化間知府周鵬疏其淤塞又有楓溪新溪源出西湖山俱來匯焉仍瀦於鳳塘經大害達於楓

口逕入於海嘉靖間復疏之水從南濠橋入橋口

石甃水溢則導之順流不致決潰國朝順治間

叛帥郝尙久拓之水漲決民居數百十間西郊之

田沙壅九月太師克城乃築爲直隄南濠遂塞

後浚復康熙五十七五十九年江漲此溪又淤乾

隆二十三年分巡道梁國治總兵官明達知府周

碩勳海陽令金紳潮陽令孫煒揭陽令王暨普寧

令萬世昌倡四邑紳士等共捐輸襄理而重濬之

乾隆二十四年重濬三利溪記溪在郡城之南有

水自東南曲折西北行通舟楫而旣田疇海揭潮

水利

珠蘭書屋

三邑利之曰三利溪溪昉於宋州牧王滌厥後開
塞不常明正統間大淤成化宏治中吾鄉前輩周
公諱鵬者知府事重淪之又引韓江水以入於溪
建聞以時啓閉卽今所謂涵洞是也嘉靖後屢疏
屢塞國朝康熙間石文晟李鐘麟皆前太守而
勤於民者相繼疏濬溪賴以存自戊戌庚子叠遭
江漲水挾沙橫流遂成斷港蓋四十有一年矣溯
李君修復後僅數十載已委之荒榛蔓草頽沙積
埭中倘不亟爲浚治更遲之又久將行人莫辨父
老茫然昧其跡而并忘其名以近在目前之川澮
竟與九河故道同慨滄桑非忝此邦人之不幸抑
亦司牧者之羞也余奉命來守是邦嘗於籃輿
風日中周覽溪址慨然思復之謀諸觀察梁公總
鎮明公僉曰善爰命海陽令金君董其役丁夫踴
躍畚鍤雲集纔閱月而成父老歡呼疑有神助第
兩岸沙土易坍昔陳白沙作碑記旣而悔之以詩
自嘲職此之故乃集衆議於兩岸築蜃灰以護之
而海揭潮普四邑士民之好義者皆樂輸恐後自
西門弔橋至長美橋兩岸共長二千五百八十七
丈五尺岸高露明六七尺入地三四尺下釘梅花

椿兩岸免坍卸之患溪均挖面寬三丈底寬二丈
深一丈及七八尺不等自已卯暨庚辰匝月而工
竣計費若下緡其時涵洞亦以江漲潰裂縣令金
君曰盍爲一勞永逸計乃悉啓其舊址而重新之
涵洞長四丈二尺外二丈一尺爲外截曰陽涵高
二丈六尺涵底寬二尺一寸面寬四尺三寸涵口
左右鑿石安板便啓閉也又二丈一尺爲內截曰
陰涵高寬與外截稱左右爲兩墩涵口兩旁爲八
字牆墩之北築磯以護涵皆如式凡六閱月而功
成計費若干緡則金君所捐也憶丙子春時余守
廉州駐羊城會鞠盜案一夕夢有人惠陳白沙集
余手自緡閱見三利溪記會覺猶能憶其槩初不
解其何謂閱旬日督撫會奏量移潮州可見天
下事莫不有數存焉爰紀其始末如此是爲記
乾隆二十六年重九日
知潮州府事周碩勳撰

中離溪

在城西南四十餘里地連揭邑邑人薛侃所
濬其源出龍溪過龍潭橋至桃山達於楓口

入海

南門涵

灌漑北廂陳橋鄉新埔鄉雲梯岡大園西廂
楓溪等田既而傾圯康熙十二年觀察江德

中與郡人梁應龍陳衍虞林世榕會議砌石一如
古制尋又淤塞雍正五年知縣張士璉重修乾隆
二十四年夏江漲勢險知縣金紳先加防禦是年
八月盡發涵故址而改建之闔邑紳耆公建金邑
侯德政碑邑侯既董修三利溪之明年復舉涵洞
而重修之規制仍其舊而鞏固完好則倍於初攷
韓江之水由西北而東南三利溪水由東南往西
北以入於海而涵則江與溪之樞紐也蓋江高於
溪溪藉江水引入以漑田而江漲則溪不能受故
設涵以時啓閉水小則啓涵以通其流水大則閉
涵以遏其勢此明太守周公諱鵬所建誠良績也
第舊基原圯而不實兼以歲久將頽乾隆己卯夏
韓江驟漲左右兩墩潰裂水勢直趨於涵邑侯曰
是不可可以旦夕待矣苟冲決奔騰非獨城垣可慮
卽西南各郡之廬舍田疇皆成巨浸而波及揭晉
亦在須臾因先爲堵築涵門計再於涵之內護十
丈之左右兩墩外則植木三層每層以竹絡
石礪其未密者捲茅以塞其隙凡四晝夜

目侯父曰蟻穴之禍今知免矣苞桑之固則猶未也八月乃盡發其故址而更新焉洞一而名有二其暴於外者曰陽涵人共見之其伏於中者曰陰涵廣狹長短與陽涵稱人莫得而見之涵之上設板設欄設墩涵之外復築磯皆有程度明年三月工始成皆侯一人所捐上不支水衡之錢下不取閭閻之物其功豈不偉哉侯諱紳字爾佩浙江山陰人孝廉出宰陽山以能調海陽夫侯惠吾民豈獨一水利卽侯之經營水利亦匪獨一南涵而是涵之輦於磐石惠澤從茲長矣爰勒石以記其實云

馬頭宮涵

又名狗母涵在城南南廂下寺鄉前大隄離城二里源出韓江西溪流入涵內經下

寺鄉前分流一由吉利鄉至北廂雲梯岡會入三利溪計程五里灌田三百餘畝一由西廂田乾鄉池湖晚厝橋通歸仁官廖橋匯入長美橋計程十里灌田五百餘畝

圓潭涵

在城南登雲上約聖者庵下大隄距城七里源出韓江西溪從葛尾洲外流至雲步洲頭

又逆流入涵經隄頭鄉至西廂蔡隴大和古板頭
椅子橋通歸仁官廖橋匯入長美橋計程四里灌

田八百
餘畝

隄頭涵 在城南登雲上約隄頭鄉前大隄距城八里
源出韓江西溪雲步洲頭逆流入涵經隄脚

仁官廖橋匯入長美橋計程五里灌田千餘畝
又各郭厝涵在城南登雲都上約田頭

登雲都隄涵 又名郭厝涵在城南登雲都上約田頭
仔鄉前大隄距城十里源出韓江西溪

入涵自本都田頭仔鄉分爲兩派一流至東埔歐
村三聖大和西溝鄉前一流至登雲中約韋駱入

甲鄉英塘舖顧厝鄉通歸仁官
廖橋計程七里灌田千餘畝

翁厝涵 在城南登隆都大田頭鄉前大隄距城十五
里源出韓江西溪入涵自大田頭鄉起過田

中鄉平登雲樹下鄉柴井欄
計程八里灌田二千餘畝

許厝涵 在城南登隆都潘劉鄉前大隄距城十六里
源出韓江西溪入涵經潘劉鄉前分爲兩派

一流至溝乾林蔭陳桃鄉計程六里灌田七百餘畝一流經田中鄉出翁沈畔鄉至方家洞鄉前計

程八里灌田千餘畝

齋姑涵 在城南登隆都新安寨前大隄距城二十里源出韓江西溪入涵至新安寨計程二里灌

田千餘畝

鄭厝涵 在城南登隆都塘東鄉前大隄距城二十二里源出韓江西溪入涵自塘東鄉起至蔡舒

方三姓田止計程三里灌田千餘畝

閣洲涵 在城南登隆都閣洲鄉前大隄距城二十五里源出韓江西溪入涵自閣洲鄉起至鄭盛

許三姓田止計程一里餘灌田千餘畝

橄欖潭 在城南隆津都龍湖寨龍首廟後距城三十里泉湧源源不竭北分一溝至三英鄉計程

一里灌田四百餘畝南分一溝至洋斜鄉三英隄蓮荷池計程一里灌田八百餘畝

市頭涵

又名北溝在城南隆津都龍湖寨市頭大隄距城三十里源出韓江西溪入涵自洋斜宮

前分爲南北兩派南流自龍湖寨院后宮至鶴巢鄉計程三里灌田千餘畝北流由雙溝口后厝宮

鄭厝隴至古樓計程三里灌田二千餘畝

市尾涵

又名南溝在城南隆津都龍湖寨尾南門外大隄距城三十里源出韓江西溪入涵由龍

湖寨脚直達鶴巢鄉計程三里灌田二千餘畝

關公涵

在城南隆津都大巷鄉前大隄距城三十二里源出韓江西溪入涵自大巷鄉至莊西隴

分爲兩派北流至陳厝寮上莆仙樂鄉西塘計程十里灌田三千餘畝南流至南桂曾公寮竹樓寮

大寮止計程五里灌田千餘畝

圓涵

在城南隆津都大巷鄉前大隄距城三十三里源出韓江西溪入涵至大巷鄉計程一里灌田

五百餘畝

田頭隄涵

即東鳳涵在城南南桂都東鳳鄉頭大隄源出韓江西溪入涵經東鳳鄉雲路里洋

陳畔溝頭

又經上莆沙家湖林甲隴至華美

沈塏匯

於龍溪計程二十里灌田三千餘畝

齋姑涵

在城南南桂都東鳳鄉尾大隄距城三十六里設板啓閉源出韓江西溪而入從雲路里

洋大寮橫沙

博士林書角院經上莆林甲隴新橋

華美塏匯

於龍溪計程二十五里灌田數千畝

博士林涵

在城南南桂都博士林鄉後大隄距城四十里源出韓江西溪會大河水入涵從博

士林西洋鯤江鳳嶺上莆三家湖林甲隴華美塏匯於龍溪計程二十里灌田二千餘畝

鄭家涵

又名鯤江涵在城南南桂都鯤江鄉上東宮外大隄距城四十里源出韓江入涵從鯤江

鄉西洋經流鄭厝直溝至上莆三家湖林甲隴華美塏匯於龍溪計程八里灌田二千餘畝

仙塘涵

又名黃厝涵在城南南桂都仙塘鄉前大隄距城五十里源出韓江入涵即分爲兩派一

從鰲頭鄉王厝隴隴子至上莆林甲隴埕脚一從仙塘鄉經流上莆三家湖新橋會埕脚水仍爲一

派至華美塢匯於龍溪計程十五里灌田三千餘畝

洋中涵 在城南南桂都鰲頭鄉前大隄距城五十里水源出韓江大河入涵自鰲頭洋中鄉前張

厝尾入新橋溝合流出大河計程三里灌田千餘畝

上蔡涵 又名下吳涵在城南南桂都上蔡下吳鄉新隄前距城五十五里源出韓江入涵分為兩

派一北流至上蔡鄉沙港上計程二里灌田千餘畝一南流由新隄後下吳鄉與下游梅溪涵溝會

計程二里灌田千餘畝

梅溪涵 又名上溝涵在城南南桂都上溝鄉前大隄距城五十五里出韓江大河入涵分為兩派

北流由隄邊至下吳會南流經梅溪鄉尾華美塢匯於龍溪龜橋溪計程一里灌田三百餘畝

海吉涵 又名下溝涵在城南南龍溪都南桂都交界仙溪鄉前大隄距城六十里設板以時啓閉源

出韓江大河入涵至仙溪鄉分為兩派北流從開濠洋上莆林甲隴至華美塢南流從內關浦大鑑

柯隴聚星橋會許隴涵水入澄邑
水吼橋計程三里灌田三百餘畝

許隴涵

又名崩隄隙在城南龍溪都庵埠大隄距城六十里涵設南北二門以時啓閉源出韓江

大河入涵過田子墘鄉直抵文昌閣聚星橋分爲兩派北流至大馬隴莊隴隴頭郭隴塏止計程十里灌田四千餘畝南流至澄海水吼橋湖頭市下路山兜溝頭月浦唐橋園前入海計程十五里灌海澄兩邑龍溪鮑江
鯉浦三都田畝甚多

官障湖

在城北一百里

楊翁陂

在東村兩岸田賴之

黃竹洋陂

在東

橫塘陂

在東

赤水陂

在登瀛都赤水澳秋冬不竭灌溉民田甚普

石堰陂

在上蒲都

甘露井

在城西甘露坊因泉冽故名卽今之新街東隅義學邊有井是焉又湖山老君巖紫竹庵

前有古井其泉最清郡人咸取汲之亦名甘露井

防虞井

在城西名賢廟前曾於水漲時映日俯觀見有蓮花又名蓮花井

古樹井

在城南因旁有古樹故名明萬歷年間有清水神廟建於此名曰古樹廟其後廟移城南

井欄有四目又名四目井

學地井

在上水門府學中今廢

蒙泉

在西湖山後距城三里石上鐫蒙泉二字今蹟存泉涸

義井

在大街下市東畔義井巷口欄上有舊鐫義井二字

東門大井

在東門街南畔

開元巷口古井

在大街開元巷北畔

鐵井

在城西畔慶喜庵邊初因水湧過盛以鐵鑄之名為鐵井

大街大井

在大街梁厝巷口其泉最清

三日井

在城北欄有三目故名三日井

鳳眼井

分為左右二口在總鎮署前一井被民占滅乾隆二十六年潮州總兵官明達浚復之

上水門溝

引韓江水入郡學泮池經大平橋繞縣治過湖橋大溝墘入西湖會三利溪

下水門溝

引韓江水經下水門街過開元寺前繞小金山會大街新街諸巷水入陳厝池出西

關弔橋會流入三利溪

南門前溝

引韓江水過城西出三利溪鄉民引以灌田為郝尚久所廢今浚復

南門前街 門以新馬為城尚大近縣令劉氏
韓氏水西出三條路

入三條路 縣中會館
金山會大津海濱諸基木入朝習出西

小水門街 金山會大津海濱諸基木入朝習出西
韓氏水西出三條路

土水門街 縣中會館
金山會大津海濱諸基木入朝習出西

鳳凰街 縣中會館
金山會大津海濱諸基木入朝習出西

二日街 縣中會館
金山會大津海濱諸基木入朝習出西

大街 縣中會館
金山會大津海濱諸基木入朝習出西

縣中會館 金山會大津海濱諸基木入朝習出西

開示巷口古井 亦大井開